

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1909456498 և 1909456501 որոշումները բեկանելու և վարչական իրավախախտումների վերաբերյալ գործերի վարույթները կարճելու մասին

<<21>> 11 2019թ. 17/13 - 3546

ք.Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Նարինե Ներկարարյանի թիվ 118133-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ս.Ավետիսյան 1 փողոցի 51 շենքի 15 բնակարանի բնակիչ Նարինե Ներկարարյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 1909456498 և 1909456501 որոշումները՝ նշելով, որ սեփականության իրավունքով իրեն պատկանող տրանսպորտային միջոցը վարել է այլ անձ:

<<Վարչարարության հիմունների և վարչական վարույթի մասին>> օրենքի 51-րդ հոդվածի 1-ին մասի համաձայն՝ վարչական մարմինը վարույթի մասնակիցների դիմումի հիման վրա պարտավոր է որոշում ընդունել բողոքարկման ոչ ենթակա վարչական ակտը փոփոխելու, անվավեր կամ ուժը կորցրած ճանաչելու վերաբերյալ, եթե՝ առկա են նոր ապացույցներ, որոնք կարող են հանգեցնել վարույթը վերսկսելու հարցով դիմած անձի համար ավելի բարենպաստ որոշում ընդունելուն:

Դիմումի քննարկման արդյունքում պարզվել է, որ վիճարկվող որոշումները ենթակա են բեկանման հետևյալ պատճառաբանությամբ.

Վարչական վարույթի ընթացքում պարզվել է, որ ա/թ ապրիլի 21-ին ժամը 23⁶-ին և 23⁸-ին NISSAN մակնիշի 35CP232 հաշվառման համարանիշի ավտոմոբիլի վարորդը Երևան քաղաքի Արշակունյաց պողոտայում և Արտաշատի խճուղում գերազանցել է սահմանված արագությունները համապատասխանաբար 58 և 57 կմ/ժ-ով:

Ճանապարհային ոստիկանությունում տված բացատրության մեջ դիմումատուին նշել է, որ հանդիսանում է NISSAN մակնիշի 35CP232 հաշվառման համարանիշի ավտոմոբիլի սեփականատեր, սակայն երբևէ այն չի վարել, քանի որ վարել չի իմացել և չի ունեցել վարորդական իրավունքի վկայական, այլ նշված տրանսպորտային միջոցը փաստացի տիրապետել և վարել է իր ամուսին, այժմ հանգուցյալ Արսեն Էդուարդի Դավթյանը (հիմք՝ 08.07.2014թ. թիվ ԱԲ-124802 ամուսնության վկայական): Վերջինս իր կողմից կատարված իրավախախտումների համար նշանակված տուգանքների գումարները պարտաճանաչ վճարել է, սակայն 08.10.2019թ. հանկարցամահ է եղել (հիմք՝ 10.10.2019թ. թիվ ԲԱ174705 մահվան վկայական):

Վարչական վարույթի ընթացքում պարզվել է, որ որպես NISSAN մակնիշի 35CP232 հաշվառման համարանիշի ավտոմոբիլի վարորդ, Արսեն Դավթյանի կողմից կատարված վարչական իրավախախտումների համար, 2016 և 2017 թվականներին վերջինիս անվամբ արձանագրություններ են կազմվել նաև Ճանապարհային ոստիկանության Ճանապարհապարեկային ծառայության տեսուչների կողմից (ԱԹ868797, ԱԴ342037): Բացի այդ, թիվ 1909456501 որոշումով ամրագրված իրավախախտման PIN անհատական ծածկագրի տակ գետեղված լուսանկարի դրվագային ուսումնասիրմամբ պարզվել է, որ

վերը նշված տրանսպորտային միջոցը ա/թ ապրիլի 21-ին ժամը 23⁰⁰-ին վարել է արական սեռի ներկայացուցիչ, ով դիմագծերով նման է դիմումատուի ամուսնուն և հաշվի առնելով, որ վիճարկվող որոշումներով արձանագրված իրավախախտումների միջև ընկած ժամանակահատվածի տարբերությունն ընդամենը երկու րոպե է, հետևաբար թիվ 1909456498 որոշումով ամրագրված իրավախախտումը ևս կատարել է այլ անձ:

Վարչական վարույթի ընթացքում պարզվել է նաև, որ Ա.Դավթյանի մահից հետո թե տեսանկարահանող և լուսանկարահանող սարքերի միջոցով, թե ճանապարհապարեկային ծառայության տեսուչների կողմից, վերը նշված տրանսպորտային միջոցի մասնակցությամբ վարչական իրավախախտումներ չեն արձանագրվել, իսկ 31.10.2019թ. NISSAN մակնիշի 35CP232 հաշվառման համարանիշի տրանսպորտային միջոցը պետական հաշվառումից ժամանակավոր հանվել է (հիմք՝ թիվ 3230206 տեղեկանք):

Վարչական իրավախախտումների վերաբերյալ ՀՀ օրենսգրքի 32-րդ հոդվածի 3-րդ մասի համաձայն՝ այն դեպքերում, երբ ճանապարհային երթևեկության կանոնի խախտումն ամրագրվել է տեսանկարահանման կամ լուսանկարահանման միջոցով, ապա սույն օրենսգրքով նախատեսված վարչական պատասխանատվությունը կրում է տրանսպորտային միջոցի սեփականատերը, եթե չի ապացուցում, որ խախտումը կատարել է այլ անձ:

Այսպիսով, վարչական վարույթի ընթացքում հիմնավորվել է, որ վիճարկվող որոշումներով ամրագրված իրավախախտումները կատարվել են ոչ թե NISSAN մակնիշի 35CP232 հաշվառման համարանիշի տրանսպորտային միջոցի սեփականատիրոջ, այլ այլ անձի կողմից:

Ելնելով վերոգրյալից, ղեկավարվելով <<Վարչարարության հիմունքների և վարչական վարույթի մասին>> օրենքի 51-րդ հոդվածի 1-ին մասով և Վարչական իրավախախտումների վերաբերյալ ՀՀ օրենսգրքի 247-րդ հոդվածի 9-րդ մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1909456498 և 1909456501 որոշումները բեկանել և վարչական իրավախախտումների վերաբերյալ գործերի վարույթները կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Նախնե Ներկարարյանին:



Ե. Կարապետյան